



Malene Vahl Rasmussen  
Inatsisartuni ilaasortaq, Demokraatit

**Akissuteqaat, § 37 naapertorlugu apeqqutigineqartunut nr. 265-imiittunut  
utaqqisunut allattorsimaffiit pillugit**

08-08-2019  
Sagsnr.  
Dok. nr. 10941081

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Malene Vahl Rasmussen

Apeqqutigisannut qujanaq, Inatsisartut suleriaasiat naapertorlugu saqqummiussannut.  
Taanna uani ataani akissuteqarfigissavara.

**Apeqqut 1:** UKA 2016/55-p suliarinerani Naalakkersuisut peqquneqarput meeqqanut suli atualinngitsunut perorsaanikkut inerikkiartuutaasut neqeroorutit pillugit pisariaqartitsinermik misissuineramik aallartitseqqullugit tassunga atatillugu Naalakkersuisut pilersaaruteqarnerlutik misissuineramik inaarsinissaminnut aamma taamaassimappat qaqugu misissuinerup inernerana Inatsisartunut saqqummiunneqarumaartoq Naalakkersuisut naatsorsuutigaa?

**Akissut:**

Naalakkersuisut suli pingaartutut isigaat angajoqqaat piviusunik pisariaqartitsineri perorsaanikkut inerikkiartuutaasunik neqeroorutiniq qanoq ittunik qulaajassallugit.

Naalakkersuisut september 2018-imi agguappaat "Ulluunerani neqeroorutini sulisut pillugit Naalakkersuisut periusissiat iliuusissanillu pilersaarutaat". Periusissatut iliuusissanut pilersaarut taanna ulluunerani paaqqinnitarfeqarnermut tamarmiusumut atuuppoq. Periusissatut iliuusissanut pilersaarut innersuussivoq siumut isigisunik aqqutissanik, ulluunerani paaqqinnitarfiit piusut aallaavigalugit pisariaqartitsinitsinnik qularnaarinissamik atorfinittitsisarnernik, ilinniartitaanernik, pikkorissartitsisarnernik aammalu sulisunik ilinniarsimasunik ulluunerani paaqqinnittarfinni suliffimmi suliinnarnissaannut tunngasut.

Pilersaarut taamaattoq Naalakkersuisut isumaat naapertorlugu piumasaqarpoq peqqissaartumik kommuninik, inunnik sulianut ilinniagalinnik aamma nukinnik allanik peqataatitsinissamik. Suliamullu tamatumunnga ilaliussatut iluaqusiisumik misissuisoqarsinnaavoq angajoqqaat qanorpiaq ittunik perorsaanikkut inerikkiartuutaasunik neqeroorutiniq pisariaqartitsinersut, misissuineq taamaattoq aamma pisariaqartitsiviusussaammat qanittumik kommuninik, sulianut tunngasunik ilinniagalinnik aammalu inunnik allanik suliassanut nukissaqartunik qanittumik suleqateqartoqarnissaanik.

Periusissatut iliuusissanut pilersaarummi anguniagaq tassaavoq meeqqat aamma inuusuttuaqqat ineriartortinneqarnissaat, inuttut toqqissisimasutut, imminnut tatigisutut

imminnullu ataqeqatigiinnissamik, kiisalu anersaakkut timikkullu peqqissuunissaannik kinaassutsiminnik aamma kulturiminnik tulluusimaaruteqartut. Anguniagaq taanna ilalersorneqarsinnaavoq angajoqqaanik suleqateqartarnermi aammalu annertunerusunik ilisimasassanik pilersitsinikkut.

Inussiarnersumik inuulluaqqusillunga

  
Ane Lone Bagger